

**Bosna i Hercegovina
Federacija Bosne i Hercegovine
Bosansko-podrinjski kanton Goražde
MINISTARSTVO ZA PRIVREDU**



P R O G R A M

utroška sredstava „Program kantonalnih novčanih podsticaja u poljoprivredi za
2017. godinu“ utvrđen u budžetu Ministarstva za privredu
na ekonomskom kodu 614 500 POD 002

Goražde, maj 2017. godine.

U skladu sa članom 46. Zakona o izvršenju Budžeta Bosansko-podrinjskog kantona Goražde za 2017.godinu („Službene novine Bosansko-podrinjskog kantona Goražde“, broj: 4/17), članom 2. Zakona o novčanim podrškama u poljoprivredi i ruralnom razvoju („Službene novine F BiH“, broj: 42/10), članom 8. Zakona o novčanim podsticajima u poljoprivredi i ruralnom razvoju na području Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 4/13) i Strategije razvoja Bosansko-podrinjskog kantona Goražde za period 2016-2020 godina, Ministarstvo za privredu Bosansko-podrinjskog kantona Goražde **d o n o s i** :

P R O G R A M

utroška sredstava „Program kantonalnih novčanih podsticaja u poljoprivredi za 2017. godinu“ utvrđen u budžetu Ministarstva za privredu na ekonomskom kodu 614 500 POD002

1. NAZIV PROGRAMA

Naziv Programa je „**PROGRAM KANTONALNIH NOVČANIH PODSTICAJA U POLJOPRIVREDI ZA 2017. GODINU**“

na ekonomskom kodu 614 500 –POD002 Subvencije javnim preduzećima - poljoprivredna proizvodnja

PODACI O PROGRAMU:

Period realizacije Programa:	01.01.2017. - 31.12.2017. godine
Budžetska razdjel:	17. Ministarstvo za privredu
Ekonomski kod:	614 500
Ukupna vrijednost Programa:	250.000,00 KM
Odgovorna osoba:	Anes Salman
Pozicija odgovorne osobe:	Ministar
Kontakt osoba:	Rasim Sijerčić
Kontakt telefon:	038 227 857
Kontakt e-mail:	sektorzapoljoprivredu@bpkg.gov.ba
Internet:	www.mp.bpkg.gov.ba

DATUM USVAJANJA PROGRAMA: Vlada Bosansko-podrinjskog kantona Goražde u skladu sa Zakonom o novčanim podsticajima u poljoprivredi i ruralnom razvoju na području BPK Goražde donijela je Odluku o usvajanju Programa broj: 03-14- /17 od .2017. godine. („Službene novine Bosansko-podrinjskog kantona Goražde“, broj: _____/17)

2. SVRHA I OPIS PROGRAMA

2.1. Svrha Programa

Svrha programa podsticaja u 2017. godini je pružanje podrške u stvaranju uslova za povećanje obima poljoprivredne proizvodnje, povećanje zapošljavanja, povećanje broja samoodrživih poljoprivrednih proizvođača i osiguranje stabilnog poljoprivrednog dohotka i omogućavanje adekvatnog životnog standarda poljoprivrednim proizvođačima.

Svrha programa jeste da se jednim provedbenim aktom obezbijede mehanizmi propisani zakonima za dodjelu kantonalnih novčanih podsticaja u poljoprivredi iz Budžeta Bosansko-podrinjskog kantona Goražde.

„Program kantonalnih novčanih podsticaja u poljoprivredi za 2017. godinu“ sa ekonomskog koda 614 500 – POD002 - Subvencije javnim preduzećima - poljoprivredna proizvodnja Ministarstva za privredu Bosansko-podrinjskog kantona Goražde za 2017.godinu (u daljem tekstu Program), definiše bitne elemente za donošenja Programa od strane Vlade Bosansko-podrinjskog kantona Goražde, kao što su opšti i posebni ciljevi programa, kriteriji za raspodjelu sredstava, potrebna sredstva, korisnici sredstava, procjena rezultata, te procjenu nepredviđenih rashoda i izdataka.

2.2. Opis Programa

Program izrađen je u skladu sa članom 2. Zakona o novčanim podrškama u poljoprivredi i ruralnom razvoju („Službene novine F BiH“, broj: 42/10), i članom 8. Zakona o novčanim podsticajima u poljoprivredi i ruralnom razvoju na području Bosansko-podrinjskog kantona Goražde („Službene novine Bosansko-podrinjskog kantona Goražde“, broj: 4/13) i Strategijom razvoja Bosansko-podrinjskog kantona Goražde za period 2016-2020 godina i donosi ga Vlada Bosansko – podrinjskog kantona Goražde za svaku kalendarsku godinu.

Zakonom o novčanim podsticajima u poljoprivredi i ruralnom razvoju na području Bosansko-podrinjskog kantona Goražde su definisani izvori i visina novčanih sredstava, modeli podsticaja, korisnici-klijenti novčanih podsticaja, uslovi za ostvarivanje novčanih podsticaja, realizacija ostvarenja novčanih podsticaja, izvještavanje i čuvanje dokumentacije, nadzor nad provođenjem, kaznene odredbe, prelazne i završne odredbe, kao i druga pitanja u vezi sa novčanim podsticajima u poljoprivredi i ruralnom razvoju na području Bosansko-podrinjskog kantona Goražde.

Zakonom o novčanim podsticajima obezbjeđena je sigurnost i kontinuitet novčanih podsticaja sa ciljem stvaranja i podsticanja poljoprivredne proizvodnje do nivoa samoodrživosti i profitabilnosti u formi tržišno orjentisanih robnih poljoprivrednih proizvođača, zapošljavanje u poljoprivredi, podsticanje tehničko-tehnološkog i organizacionog unaprijeđenja sektora poljoprivrede, osiguranje stabilnog poljoprivrednog dohotka i omogućavanje adekvatnog životnog standarda poljoprivrednim proizvođačima, čime bi se stekli uslovi za izvoz pojedinih proizvoda, smanjili zavisnost od uvoza, garantovano i sigurno snadbijevanje stanovništva, zadržavanje stanovništva na ruralnom području i ruralni razvoj. Članom 29. Zakona, novčani podsticaji se realizuju na osnovu Programa podsticaja kojim se utvrđuju vrste podsticaja, visina podsticaja po jedinici proizvodnje, ukupna vrijednost novčanih podsticaja, opšti i posebni kriteriji ostvarivanja, te nadzor i kontrola njihovog provođenja. Program podsticaja donosi Vlada na prijedlog Ministarstva privrede. Ovaj program je provedbeni akt ministarstva za transparentan, specifičan, mjerljiv i vremenski određen utrošak državne pomoći u podsticanju poljoprivredne proizvodnje na području Bosansko-podrinjskog kantona Goražde. Definisane svrhe i okvira programa propisane su Zakonom o novčanim podsticajima i Zakonom o izvršenju budžeta. Implementacija Programa će se provesti u skladu sa Uputstvom za

ostvarivanje novčanih podsticaja, koji proizilazi iz člana 30. Zakona o novčanim podsticajima u poljoprivredi i ruralnom razvoju na području Bosansko – podrinjskog kantona Goražde.

3.OPĆI I POSEBNI CILJEVI PROGRAMA

3.1.Opći/Osnovni cilj Programa

U skladu sa Strategijom razvoja Bosansko – podrinjskog kantona Goražde 2016-2020 godina., odnosno projektima i aktivnostima iz mjere Primjena LEADER pristupa i diverzifikacije u ruralnom razvoju neophodno je obezbjediti veće podsticajne mjere za poljoprivrednu proizvodnju, s ciljem uspostavljanja pogodnog privrednog okruženja i dinamične privrede, zasnovane na prirodnim resursima i poslovnoj tradiciji. Ovaj cilj će se implementirati kroz mjeru povećanja obima i konkurentnosti poljoprivredne proizvodnje, koja omogućava povećanje broja samoodrživih poljoprivrednih proizvođača, obezbjeđenje dohotka poljoprivrednih proizvođača u ruralnim područjima te adekvatan životni standard poljoprivrednih proizvođača.

3.2.Posebni /Specifični ciljevi Programa

Strategijom razvoja Bosansko – podrinjskog kantona Goražde 2016-2020. godina u mjeri Primjena LEADER pristupa i diverzifikacije u ruralnom razvoju kroz projekte i aktivnosti definisano je da je neophodno obezbjediti veće podsticajne mjere za poljoprivrednike, kroz Program koji sadrži posebne ciljeve u okviru kojih će se pružati podrška korisnicima.

Posebni ciljevi Programa su:

- Povećanje poljoprivredne proizvodnje kroz novčane podsticaje u animalnoj i biljnoj proizvodnji (prvi posebni cilj),
- Podsticanje zapošljavanja i edukacije u sektoru poljoprivrede (drugi posebni cilj),
- Unaprijeđenje i razvoj poljoprivrednog sektora (treći posebni cilj).

4.POTREBNA SREDSTVA ZA PROVOĐENJE PROGRAMA

Potrebna sredstva za provođenje Programa novčanih podsticaja u poljoprivredi u 2017. godini definisana su Budžetom Bosansko-podrinjskog kantona („Službene novine Bosansko-podrinjskog kantona Goražde“, broj: 4/17), na ekonomskom kodu 614 500 –Subvencije javnim preduzećima - poljoprivredna proizvodnja u iznosu od 250.000,00 KM.

Za svaki poseban cilj, odnosno za svaku finansijsku komponentu programa definisan je slijedeći budžet:

- | | | |
|---------------------------------------------------------------------------------------------------|------------|----|
| 1. Povećanje poljoprivredne proizvodnje kroz novčane podsticaje u animalnoj i biljnoj proizvodnji | 134.000,00 | KM |
| 2. Podsticanje zapošljavanja i edukacije u sektoru poljoprivrede | 38.000,00 | KM |
| 3. Unaprijeđenje i razvoj poljoprivrednog sektora | 78.000,00 | KM |

Tokom implementacije programa ukoliko dođe do povećanja ili smanjenja obima poljoprivredne proizvodnje (zahtjeva) u okviru svakog posebnog cilja Ministarstvo može napraviti redistribuciju sredstava sa jedne na drugu komponentu u iznosu do maksimalno 30 procenata od iznosa sredstava planiranih za komponentu sa/na koje se sredstava prenose. Redistribuciju ovih sredstava ministarstvo će izvršiti odlukom ministra.

U slučaju potrebe, Ministarstvo može napraviti redistribuciju sredstava sa jednog na drugi posebni cilj u iznosu do maksimalno 30 procenata od iznosa sredstava planiranih za svaki posebni cilj sa koje se sredstava prenose. Redistribuciju ovih sredstava ministarstvo će izvršiti odlukom ministra.

U slučaju izmjene ukupne vrijednosti programa koja je rezultat Izmjene i dopune Budžeta Bosansko-podrinjskog kantona Goražde, preusmjerenja sa drugih kodova ili na druge kodove unutar budžeta ministarstva i preusmjerenja između budžetskih korisnika, Ministarstvo za privredu se ovlašćuje da može vršiti izmjenu i dopunu programa u skladu sa potrebama na osnovu kojih su donešene odluke o preusmjerenju povećanju ili smanjenju ukupne vrijednosti programa uz saglasnost Vlade.

Finansijska sredstva odobrena Budžetom Bosansko-podrinjskog kantona Goražde za 2017. godinu („Službene novine Bosansko-podrinjskog kantona Goražde“, broj:4/17), na ekonomskom kodu 614 500 – Subvencije javnim preduzećima - podsticaj poljoprivredi u ukupnom iznosu 250.000,00 KM raspoređivat će se na osnovu odobrenih zahtjeva za novčane podsticaje u primarnoj poljoprivrednoj proizvodnji i odobrenih novčanih podsticaja za realizaciju projekata u skladu sa odredbama ovog programa i kriterija koji su sastavni dio programa, te Uputstva za ostvarivanje novčanih podsticaja u 2017. godini.

Raspodjela sredstava vršit će se na osnovu odobrenih projekata, zahtjeva za podsticaje u skladu sa svakim posebnim ciljem programa. Konačne Odluke o dodjeli pomoći korisniku ili korisnicima sredstava iz ovog programa donosi Vlada Bosansko-podrinjskog kantona Goražde.

5. KRITERIJI ZA RASPODJELU SREDSTAVA

(Kriteriji za ostvarivanje novčanih podsticaja)

Vste podsticaja i opšti i posebni kriteriji za ostvarivanje novčanih podsticaja planirani Programom nalazi se u tabeli:

Tabela 1.

Pregled vrste podsticaja i uslova za dobijanje podsticaja

KOD	VRSTA PODSTICAJA	KRITERIJI ZA OSTVARIVANJE PODSTICAJA	
A/1	PODSTICAJI U ANIMALNOJ PROIZVODNJI	Osnovni kriteriji	Posebni kriteriji (kvote)
A/1-1	Proizvodnja svježeg kravljeg mlijeka u 2017.godini (SPP,SPO,ZZ,DOO)	<ul style="list-style-type: none"> - Koji imaju zaključen Ugovor sa registrovanim prerađivačem ili otkuplivačem - Upisan u RPG ili RK 	Minimalna količina i uslovi: 300 litara mjesečno Maksimalna količina : 500litara mjesečno Dodatni kriteriji: Minimalna mliječna mast 3,2%.

A/1-2	Uzgoj priplodnih junica (SPP,SPO,ZZ,DOO)	<ul style="list-style-type: none"> - Upisan u RPG ili RK 	<p>Minimalna količina:</p> <p>Jedna priplodna junica</p> <p>Maksimalna količina:</p> <p>Jedna priplodna junica</p>
A/1-3	Držanje osnovnog stada ovaca i koza (SPP,SPO,ZZ,DOO)	<ul style="list-style-type: none"> - Korisnik koj ima osnovno stado - Životinje moraju biti obilježene u skladu sa Pravilnikom o obaveznom označavanju i upisu u jedinstveni Registar ovaca, koza i svinja («Sl.novine Federacije BiH, «broj 78/07) - Upisan u RPG ili RK 	<p>Minimalna količina:</p> <p>50 odraslih grla ovaca ili 25 odraslih grla koza</p> <p>Maksimalna količina:</p> <p>Nije ograničeno</p> <p>Dodatni kriteriji:</p> <p>Farmeri ostvaruju pravo na kantonalni novčani podsticaj unutar osnovnog stada ovaca i koza, samo nao drasla priplodna ženska grla(starosti preko godinu dana).</p>
A/1-4	Držanje pčelinjih društava (SPP,SPO,ZZ,DOO)	<ul style="list-style-type: none"> - Korisnik koji ima aktivno pčelinje društvo - Upisan u RPG ili RK 	<p>Minimalna količina:</p> <p>Najmanje 30 (trideset) pčelinjih društava</p> <p>Maksimalna količina:</p> <p>Nije ograničeno</p> <p>Dodatni kriteriji:</p> <p>Košnice pčela mogu biti smještene maksimalno na dvije lokacije. U toku pašne sezone pčelari registrovani na kantonu mogu seliti pčelinjake i u druga područja van kantona.</p> <p>Korisnici moraju biti članovi Udruženja pčelara koja su registrovana na području BPK Goražde</p>
A/1-5	Držanje matičnog stada krava (mliječna grla) (SPP,SPO,ZZ,DOO)	<ul style="list-style-type: none"> - Korisnik-klijent koji ima matično stado krava - Da su registrovani kao :SPP, SPO, ZZ i DOO - Upisan u RPG ili RK 	<p>Minimalna količina:</p> <p>Dva mliječna grla</p> <p>Maksimalna količina:</p> <p>Dvadeset grla(20)</p> <p>Dodatni kriteriji:</p> <p>Nema</p>
A/1-6	Držanje koka nosilja (SPP,SPO,ZZ,DOO)	<ul style="list-style-type: none"> - Korisnik-klijent koji ima matično stado koka nosilja. - Da su registrovani kao SPP,SPO,ZZ,DOO 	<p>Minimalna količina:</p> <p>1.000 koka nosilja</p> <p>Maksimalna količina:</p> <p>5.000 koka nosilja</p>

		- Upisan u RPG ili RK	Dodatni kriteriji: Nema
A/1-7	Vještačko osjemenjavanje krava (J.P., DOO)	- Veterinarske stanice koje su registrovane na području Bosansko-podrinjskog kantona Goražde za vršenje ovih poslova i ispunjavaju uslove na osnovu Zakona o veterinarstvu („Sl.novine FBiH“ broj: 46/00).	- Definisani Uputstvom
A/1-8	Podsticaj za uzgoj tovnih piladi	- Korisnik-klijent koji proizvede-utovi od 2000-15000 tovnih piladi u jednom turnusu i isporuči registrovanom otkuplivaču. - Da su registrovani kao SPP,SPO,ZZ,DOO - Upisan u RPG ili RK	Minimalna količina: 2000 tovnih pilića Maksimalna količina: 15000 tovnih pilića Dodatni kriteriji: Najmanje 4 turnusa u toku godine.
B/1	BILJNA PROIZVODNJA		
B/1-1	Zasnivanje novih zasada jagodičastog voća (SPP,SPO,ZZ,DOO)	- vlasnici zemljišta ili imaju zemljište u zakupu na kojem zasnivaju zasad jagodičastog voća jagode, maline, kupine, borovnice, brusnice, ogrozda i aronije. - Upisan u RPG ili RK	Minimalna količina: 0,1 ha. Maksimalna količina: Propisani dodatkom II Federalnog Zakona o novčanim podrškama(Sl.Novine FBiH 42/10) Dodatni kriteriji: -Broj sadnica po dunumu ne može biti manji ispod propisanih standarda

B/1-2	Proizvodnja konzumne jabuke rod 2017.godin (SPP,SPO,ZZ,DOO)	<p>Klijenti koji proizvode konzumnu jabuku</p> <ul style="list-style-type: none"> - i imaju zaključen Ugovor sa registrovanim prerađivačem, otkupljivačem ili trgovinskom organizacijom i koji su registrovani kod nadležnog organa. - Upisan u RPG ili RK 	<p>Minimalna količina: 500 (petstotina) kg</p> <p>Maksimalna količina: Nije ograničeno</p> <p>Dodatni kriteriji: Nema</p>
B/1-2-1	Proizvodnje konzumne jabuke rod 2016godine PRENOS.	<ul style="list-style-type: none"> - Osnovnikriteriji su propisani u Programu i Upustvima iz 2016. godine 	<p>Minimalna količina. 500 (petstotina) kg</p> <p>Maksimalna količina: Nije ograničeno</p> <p>Svi kriteriji su ispunjeni na osnovu Uputstava za ostvarivanje novčanih podsticaja iz 2016.godine</p> <p>Dodatni kriteriji: Nema</p>
B/1-3	Proizvodnja maline (SPP,SPO,ZZ,DOO) i fizička lica	<ul style="list-style-type: none"> -Ostvaruju klijenti koji proizvedu i predaju malinu organizovanom otkupljivaču, prerađivaču ili trgovinskoj radnji koji su registrovani kod nadležnog suda. - Upisan u RPG ili RK 	<p>Minimalna količina. 500 kg</p> <p>Maksimalna količina: Nije ograničena</p> <p>Dodatni kriteriji: Nema</p>
B/1-4	Proizvodnja u zatvorenim prostorima plastenička proizvodnja (SPP,SPO,ZZ,DOO)	<ul style="list-style-type: none"> - Klijenti koji su registrovani kao SPP, SPO,ZZ,DOO koji su vlasnici zemljišta ili imaju zemljište u zakupu, i koja imaju zasnovanu povrtlarsku proizvodnju u plasteničkom prostoru. - Upisan u RPG ili RK 	<p>Minimalna količina: 200 m² plasteničkog prostora</p> <p>Maksimalna količina: Nije ograničeno</p> <p>Dodatni kriteriji: Obrazloženi u Uputstvu</p>

B/1-5	Proizvodnja(sjetva) žitarica i ljekovitog bilja (pšenica, tritikale, ječam, raž, zob, heljde, facelija, kamilica, menta, neven, kantarion) (SPP, SPO, ZZ, DOO)	<ul style="list-style-type: none"> - Pravo na novčani podsticaj ostvaruju klijenti koji zasiju navedene kulture na području Bosansko-podrinjskog kantona Goražde. - Upisan u RPG ili RK 	<p>Minimalna količina: 0,2 ha</p> <p>Maksimalna količina: Nije ograničeno</p> <p>Dodatni kriteriji: Nema</p>
B/1-5-1	Jesnja sjetva pšenice iz 2016 godine - PRENOS	<p>Pravo na novčani podsticaj ostvaruju korisnici-klijenti koji zasiju navedene kulture na području Bosansko-podrinjskog kantona Goražde.</p> <ul style="list-style-type: none"> - nosilac gazdinstva ili nosilac obrta 	<p>Minimalna količina: 0,2 ha</p> <p>Maksimalna količina: 1 ha po kulturi</p> <p>Dodatni kriteriji: Nema</p> <p>Svi kriteriji su ispunjeni na osnovu Uputstava za ostvarivanje novčanih podsticaja iz 2016. godine.</p>
B/1-6	Proizvodnja merkantilnog krompira (SPP, SPO, ZZ, DOO)	<ul style="list-style-type: none"> - Pravo na novčani podsticaj ostvaruju klijenti koji su registrovani kao SPP, SPO, ZZ, DOO koji zasiju navedene kulture na području Bosansko-podrinjskog kantona Goražde - Upisan u RPG ili RK 	<p>Minimalna količina: 0,3 ha</p> <p>Maksimalna količina: Nije ograničeno</p> <p>Dodatni kriteriji: Nema</p>
B/2	PODSTICAJI U GLJIVARSKOJ PROIZVODNJI		
B/2-1	Proizvodnja šampinjona i bukovača (nabavka kompostaza proizvodnju šampinjona i bukovača) (SPP, SPO, ZZ, DOO)	<ul style="list-style-type: none"> - Pravo na novčani podsticaj za proizvodnju gljiva (šampinjona, bukovača) u zatvorenom prostoru ostvaruju korisnici-klijenti koji su registrovani kao SPP, SPO, ZZ, DOO koji imaju proizvodnju gljiva sa najmanje deset tona komposta i istu realizuju. - Upisan u RPG ili RK 	<p>Dodatni kriteriji: Nema</p>
C/1	PODSTICAJI INVESTICIJA U POLJOPRIVREDNA GAZDINSTVA - KAPITALNA ULAGANJA		

C/1-1	Sufinansiranje izgradnje poljoprivrednih objekata	<ul style="list-style-type: none"> - Pravo na sufinansiranje izgradnje i rekonstrukcije objekata u poljoprivredi imaju lica koja se bave isključivo poljoprivrednom proizvodnjom i Nosioci su obrta (SPP,SPO,ZZ,DOO) - Upisan u RPG i RK - Izmirene obaveze PIO i zdravstveno osiguranje 	<p>Dodatni kriteriji:</p> <p>Da će se datom djelatnošću baviti najmanje tri godine i isto tako zadržati registrovanu djelatnost.</p>
C/1-2	Nabavka poljoprivredne mehanizacije i opreme (SPP,SPO,ZZ,DOO)	<ul style="list-style-type: none"> - Pravo na podsticaj za nabavku (kupovinu) poljoprivredne mehanizacije i opreme ostvaruju korisnici-klijenti koji su nabavili odnosno kupili u periodu od 30.11.2016. do 30.11.2017. godine novu mašinu i to: traktor ili motokultivator sa ili bez priključaka, kosačicu kao i drugu mehanizaciju i opremu potrebnu u stočarstvu, vočarstvu, povrtlarstvu i drugim granama poljoprivrede. Podstićaće se nabavljena mehanizacija i oprema u vrijednosti od 1.000 – 25.000 KM. 	<p>Dodatni kriteriji:</p> <ul style="list-style-type: none"> - Nabavka isključivo nove opreme - Dostavljena faktura na ime korisnika-klijenta - Dostavljen fiskalni račun od dobavljača. - Faktura i fiskalni račun moraju biti izdati na isti datum.
D/1	OSTALI PODSTICAJI		
D/1-1	Zdravstvena zaštita domaćih životinja	<p>Zakonski osnov za ovu stavku je član 124. Zakona o veterinarstvu («Službene novine FBiH» broj:46/00), koji obavezuje Kanton za planiranje novčanih sredstava za provođenje prevencije, suzbijanja i iskorjenjivanja zaraznih bolesti životinja.</p>	<p>Dodatni kriteriji:</p> <p>Definisani Uputstvom</p>
D/1-2	Nadoknada štete za neškodljivo uklonjene seropozitivne životinje	<p>Sredstva za ove namjene biće utrošena kod nadoknade štete nastale kod neškodljivog uklanjanja seropozitivnih životinja, tokom provođenja naređenih mjera. Zakonski osnov za ovu stavku je član 46. Zakona o veterinarstvu («Službene novine FBiH» broj:46/00) i Pravilnik o postupku isplate nadoknade štete za neškodljivo uklonjene seropozitivne životinje («Službene novine FBiH» broj:98/12)</p>	<p>Dodatni kriteriji:</p> <p>Definisani Uputstvom</p>

D/1-3	Podrška sajmovima koji se održavaju na području kantona- (Projekat)	-Pravo kandidovanja za ostvarivanje podsticaja za organizovanje sajmova (na osnovu Projekata), stiču korisnici-klijenti (pravna lica, registrovani poljoprivredni proizvođači, Udruženja , Zadruga) koji obavljaju djelatnost iz oblasti primarne poljoprivredne proizvodnje.	Dodatni kriteriji: Biće propisani Uputstvom za ostvarivanje podsticaja za 2017.godinu.
D/1-4	Sufinansiranje poljoprivrednih proizvođača(registrovanih poljoprivrednih obrtnika) u iznosu od 50% troškova uplaćenih doprinosa)- za muškarce	-Pravo na sufinansiranje obaveza po osnovu doprinosa za socijalno osiguranje za zaposlene radnike imaju korisnici-klijenti koji su registrovani kao SPP i SPO na području Bosansko-podrinjskog kantona Goražde. - Upisan u RPG i RK	Dodatni kriteriji: - Da obavljaju poljoprivrednu proizvodnju na svom gazdinstvu,a koju će utvrditi Komisija ministarstva za privredu. - Pravo na sufinansiranje obaveza po ovom osnovu osigurava se na osnovu minimalne osnovice propisane Zakonom. - Registrirani poljoprivredni proizvođači koji iz bilo kojih razloga ugase poljoprivredni obrt,dužni su izvršiti vrat dobijenih sredstava ostvarenih u 2017.godini., a u protivnom nemaju pravo ostvarivanja podsticaja po bilo kom osnovu u naredne tri godine.
D/1-5	Sufinansiranje poljoprivrednih proizvođača (registrovanih poljoprivrednih obrtnika) u iznosu od 60 % troškova uplaćenih doprinosa, za žene	- Pravo na sufinansiranje obaveza po osnovu doprinosa za socijalno osiguranje za zaposlene radnike stekli su korisnici-klijenti koji su registrovani kao SPP i SPO na području Bosansko-podrinjskog kantona Goražde. - Upisan u RPG i RK	Dodatni kriteriji: - Da obavljaju poljoprivrednu proizvodnju na svom gazdinstvu,a koju će utvrditi Komisija ministarstva za privredu. - Pravo na sufinansiranje obaveza po ovom osnovu osigurava se na osnovu minimalne osnovice propisane Zakonom. - Registrirani poljoprivredni proizvođači koji iz bilo kojih razloga ugase poljoprivredni obrt,dužni su izvršiti vrat dobijenih sredstava ostvarenih u 2017.godini, a u protivnom nemaju pravo ostvarivanja podsticaja po bilo kom osnovu u naredne tri godine.
E	Rezervna sredstva		
	Rezervna sredstva	Rezervna sredstva koriste se u hitnim i nepredviđenim intervencijama u slučajevima: - neophodne intervencije u primarnoj poljoprivredne proizvodnji, - u slučaju elementarnih i drugih nepogoda (snijega, grada, vjetrova, poplava,požara, napada divljih životinja),	Posebni uslovi: Odobranje rezervnih sredstava vrši na osnovu procjene Zahtjeva za rezerva sredstva na način koji je predviđen Programom.

		- kao i druga plaćanja koja su neophodna u sektoru poljoprivrede. - nosilac gazdinstva ili nosilac obrta	
--	--	-------------------------------------------------------------------------------------------------------------	--

(Ukupna vrijednost podsticaja)

Od ukupne vrijednosti budžeta novčanih podsticaja od 250.000,00 KM .

Ukupna vrijednost projekta po vrstama podsticaja prikazan je u tabeli 2.

Tabela 2:

Ukupna vrijednost novčanih podsticaja u 2017 godini

Bužet za 2017 godinu 250.000.00KM

RBR	VRSTA PODSTICAJA	Plan za 2017.
A	Animalna proizvodnja	79.500
B	Biljna proizvodnja	59.000
B/2	Podsticaji u gljivarskoj proizvodnji	2.500
C	Podsticaji investicija u poljoprivredna gazdinstva – kapitalna ulaganja	45.000
D	Ostali podsticaji	58.000
E	Rezervna sredstva	6.000
	UKUPNO	250.000,00

(Vrijednost novčanih podsticaja)

Visina i obim pojedinačnih podsticaja sa planiranim sredstvima za podsticaje definisani su u tabeli

Tabela 3:

Visina i obim pojedinačnih novčanih podsticaja u 2017. godini

KOD	VRSTA PODSTICAJA	Jedinica mjere	KM po jedinici mjere	Ukupan obim podsticaja	Ukupan iznos u KM
A/1	Podsticaji u animalnoj proizvodnji				79.500,00
A/1-1	Proizvodnja svježeg kravljeg mlijeka u 2017.god. (SPP,SPO.ZZ,DOO)	Litara 300-500	0,25	4000	1.000,00
A/1-2	Uzgoj priplodnih junica. (SPP,SPO.ZZ,DOO)	grlo	400	20	8.000,00

A/1-3	Držanje osnovnog stada ovaca i koza (SPP,SPO,ZZ,DOO)	Grlo min. 50	25	1000	25.000,00
A/1-4	Držanje pčelinjih društava(SPP,SPO,ZZ,DOO)	društvo	25	400	10.000,00
A/1-5	Držanje matičnog stada krav (mliječna grla)(SPP,SPO,ZZ,DOO)	Grlo min.2	300	70	21.000,00
A/1-6	Držanje koka nosilja(SPP,SPO,ZZ,DOO)	komada	3	1500	4.500,00
A/1-7	Vještačko osjemenjavanje krava(J.P.,DOO)				7.000,00
A/1-8	Podsticaj za uzgoj tovne piladi (SPP,SPO,ZZ,DOO)	komada	0,20	15000	3.000,00
B/1	Podsticaji u biljnoj proizvodnji				59.000,00
B/1-1	Zasnivanje novih zasada jagodičastog voća (SPP,SPO,ZZ,DOO)	hektar	2000	1	2.000,00
B/1-2	Proizvodnja konzumne jabuke rod 2017 godina. (SPP,SPO,ZZ,DOO)	tona	100	89,73	8.973,00
B/1-2-1	Proizvodnja konzumne jabuke rod 2016. godine-PRENOS	tona	100	1,027	1.027,00
B/1-3	Proizvodnja maline	tona	150	100	15.000,00
B/1-4	Proizvodnja u zatvorenim prostorima plastenička proizvodnja-(SPP,SPO,ZZ,DOO)	m ²	1	20.000	20.000,00
B/1-5	Proizvodnja (sjetva) žitarica i ljekovitog bilja- (SPP,SPO,ZZ,DOO)	hektar	600	3,33	2.000,00
B/1-5-1	Jesenja sjetva pšenice iz 2016.god.-PRENOS	hektar	600	3,33	2.000,00
B/1-6	Proizvodnja merkantilnog krompira(SPP,SPO,ZZ,DOO)	hektara	1500	5,33	8.000,00
B/2	Podsticaji u gljivarskoj proizvodnji				2.500,00
B/2-1	Proizvodnja šampinjona i bukovača(nabavka komposta za proizvodnju šampinjona,bukovača)-(SPP,SPO,ZZ,DOO)	tona	50	50	2.500,00
C/1	Podsticaj investicija u poljoprivredna gazdinstva				45.000,00

C/1-1	Sufinansiranje izgradnje poljoprivrednih objekata (SPP,SPO,ZZ,DOO)				32.500,00
C/1-2	Nabavka poljoprivredne mehanizacije i opreme- (SPP,SPO,ZZ,DOO)		17% nabavne vrijednosti		12.500,00
D/1	Ostali podsticaji				58.000,00
D/1-1	Zdravstvena zaštita domaćih životinja				18.000,00
D/1-2	Nadoknada štete za neškodljivo uklonjene seropozitivne životinje (SPP,SPO,ZZ,DOO) i fizička lica				2.000,00
D/1-3	Podrška sajmovima koji se održavaju na području kantona (projekat)				20.000,00
D/1-4	Sufinansiranje poljoprivrednih proizvođača (registrovanih poljoprivrednih obrtnika) u iznosu od 50 % troškova uplaćenih doprinosa ,za muškarce				10.000,00
D/1-5	Sufinansiranje poljoprivrednih proizvođača (registrovanih poljoprivrednih obrtnika) u iznosu od 60 % troškova uplaćenih doprinosa ,za žene				8.000,00
E	Rezervna sredstva				6.000,00
	UKUPNO				250.000,00

Sredstva iz budžeta kantona će se dodjeljivati korisnicima u skladu sa odredbama ovog programa.

Ključni kriterij za dodjelu sredstava fizičkom ili pravnom licu jeste ispunjavanje opštih i posebnih uslova za ostvarivanje podsticaja, odnosno rezultati ocjenjivanja koji će se primjenjivati na odabrane vrste podrške koje su bazirane na projektnom finansiranju u skladu sa odredbama ovog Programa.

Eliminatorni kriteriji za raspodjelu sredstava iz Programa su:

1. ispunjavanje opštih uslova za korištenje podsticaja,
2. ispunjavanje posebnih uslova za korištenje podsticaja.
3. ispunjavanje opštih i posebnih kriterija koji su predviđeni korisnicima za ostvarivanje podsticaja u okviru modela proizvodnje.

Kriteriji na osnovu kojih će se rangirati korisnici sredstava su:

1. Rezultat procesa apliciranja, selekcije i evaluacije projekata i zahtjeva.

Programom za 2017. godinu planirane su vrste podsticaja, opšti i posebni kriteriji za ostvarivanje novčanih podsticaja koji se nalaze u tabeli 2. ovog Programa.

Finansijska sredstva odobrena Budžetom Bosansko-podrinjskog kantona Goražde za 2017. godinu („Službene novine Bosansko-podrinjskog kantona Goražde“, broj: 4/17), na ekonomskom kodu 614 500 – Subvencije javnim preduzećima - podsticaj poljoprivredi u ukupnom iznosu 250.000 KM raspoređivat će se na osnovu odobrenih zahtjeva za novčane podsticaje u primarnoj poljoprivrednoj proizvodnji i odobrenih novčanih podsticaja za realizaciju projekata u skladu sa odredbama ovog programa i kriterija koji su sastavni dio programa, te Uputstva za ostvarivanje novčanih podsticaja u 2017. godini. Raspodjela sredstava vršit će se na osnovu odobrenih projekata, zahtjeva za podsticaje u skladu sa svakim posebnim ciljem programa. Konačne Odluke o dodjeli pomoći korisniku ili korisnicima sredstava iz ovog programa donosi Vlada Bosansko-podrinjskog kantona Goražde.

5.1. Opći i posebni uslovi

Opći uslovi omogućavaju učešće pravnih i fizičkih lica kao korisnika sredstava (u daljem tekstu korisnik-klijent). Opšti uslovi za učešće aplikanta u programu su:

- da je upisan u Registar poljoprivrednih gazdinstava i klijenata,
- da imaju poljoprivrednu proizvodnju na prostoru Bosansko-podrinjskog kantona Goražde,
- da imaju registraciju pravnog lica na prostoru Bosansko-podrinjskog kantona Goražde

Posebni uslovi koji se primjenjuju za aplikante u okviru **prvog** posebnog cilja su identični kao i opšti uslovi.

Posebni uslovi koji se primjenjuju za aplikante u okviru **drugog** posebnog cilja su:

- da su registrovani kao samostalni poljoprivredni obrtnici, zemljoradničke zadruge, poljoprivredne zadruge, veterinarske stanice ili društva ograničene odgovornosti,
- da imaju minimalno jednog stalno zaposlenih radnika,
- da ispunjava opšte i posebne kriterije propisane Programom i Uputstvom
- da nemaju neizmirenih obaveza za poreze i doprinose, osim obaveza za koje su obuhvaćene ugovorom o reprogramiranju obaveza.

Posebni uslovi koji se primjenjuju za aplikante u okviru **trećeg** posebnog cilja su:

- da su registrovani kao poljoprivredni proizvođači- fizička lica (upis u Registar poljoprivrednih gazdinstava i klijenata), samostalni poljoprivredni proizvođači (SPP,SPO), poljoprivredne zadruge, zemljoradničke zadruge,udruženja koja su aktivna u oblasti poljoprivrede ,društva ograničene odgovornosti i lokalne zajednice.
- da nemaju neizmirenih obaveza za poreze i doprinose, osim obaveza za koje su obuhvaćene ugovorom o reprogramiranju obaveza

Kandidovanje zahtjeva za novčane podsticaje, prijedloga projekata i zahtjeva za rezervnim sredstvima

Podnošenje zahtjeva za novčani podsticaj u poljoprivrednoj proizvodnji moguće je isključivo u slučajevima koji su definisani programom. Zahtjeve za sredstva moguće je podnositi u rokovima propisanim Uputstvima za ostvarivanje podsticaja. Zahtjevi za ostvarivanje prava na novčane podsticaje u oblasti poljoprivredne proizvodnje obrađivat će se na osnovu kriterija propisanih Uputstvom.

U okviru programa moguće je dostavljanje prijedloga za sufinansiranje projekata i finansiranje zahtjeva iz rezervnih sredstava u skladu sa uslovima propisanim programom. Projekti i zahtjevi za sredstvima dostavljaju se u formi propisanoj od strane Ministarstva za privredu Bosansko – podrinjskog kantona Goražde.

Dostavljanje zahtjeva za sredstvima obrađivat će se u skladu sa procedurama apliciranja i ocjenjivat će se od strane Komisije Ministarstva za privredu.

Odobrovanje zahtjeva za podsticaj poljoprivrednoj proizvodnji, prijedloga projekata i zahtjeva za sredstvima

Pravilno popunjavanje propisane forme omogućava da se svi aspekti zahtjeva za podsticaj primarnoj poljoprivrednoj proizvodnji, prijedloga projekta ili zahtjeva za sredstvima adekvatno selektiraju i procjene.

Odobrovanje novčanih podsticaja u poljoprivrednoj proizvodnji provodi se na način propisanim procedurama apliciranja i Uputstvima za ostvarivanje podsticaja.

Svi prijedlozi projekata ili zahtjevi se odobravaju u skladu sa procedurama apliciranja, selekcije, evaluacije i rangiranja.

(Podnošenje zahtjeva za novčanim podsticajima)

Podnošenje zahtjeva za sredstva novčanih podsticaja u poljoprivrednoj proizvodnji u okviru prvog posebnog cilja vrši se putem propisanih obrazaca zahtjeva (Z/1-A, Z/1-B,) u skladu sa Uputstvom za ostvarivanje slijedećih podsticaja u poljoprivrednoj proizvodnji za podsticaje sa pozicija:

A. Podsticaji animalnoj proizvodnji

(Pozicija – A/1-1,A/1-2,A/1-3,A/1-4,A/1-5,A/1-6, A/1-8)

B. Podsticaji biljnoj proizvodnji

(Pozicije (B/1-1;B/1-2,B/1-2-1,B/1-3,B/1-4,B/1-5,B/1-5-1,B/1-6,B/2-1)

Podnošenje zahtjeva za sredstva novčanih podsticaja za zapošljavanje u okviru drugog posebnog cilja vrši se putem propisanih obrazaca zahtjeva (Z/OP,) u skladu sa Uputstvom za ostvarivanje podsticaja u primarnoj poljoprivrednoj proizvodnji za podsticaje sa pozicija:

A.Ostali podsticaji

(Pozicija: D/1-3;D/1-4,D/1-5)

Podnošenje zahtjeva za sredstvima novčanih podsticaja u oblasti razvoja poljoprivredne proizvodnje u okviru trećeg posebnog cilja vrši se putem propisanih obrazaca zahtjeva (Z/1-A,Z/OP,Z/KU,Z/R) u skladu sa Upustom za ostvarivanje podsticaja u primarnoj poljoprivrednoj proizvodnji za podsticaje sa pozicija :A/1-7,C/1-1,C/1-2 ,D/1-1,E u skladu sa procedurama apliciranja iz ovog Programa.

Podnošenje prijedloga projekata

Lica koja pored opštih ispunjavaju i posebne uslove programa imaju status aplikanta za projektno finansiranje u okviru linija (D/1-3, C/1-1).

Aplikant može dostaviti samo jedan prijedlog projekta u kojem je planirano korištenje sredstava iz Programa na osnovu Javnog poziva koje objavljuje ovo Ministarstvo.

Finansiranje projekata

Minimalan i maksimalan iznos granta koji može biti zatražen za sufinansiranje projekata je u rasponu od 2.000,00 KM do 20.000,00 KM za poziciju(D/1-3, C/1-1).

Zahtjevi za sredstvima rezerve

Aplikanti mogu dostaviti zahtjev za sredstvima rezerve za dodjelu novčanih podsticaja za realizaciju pojedinačnih aktivnosti u skladu sa odredbama ovog programa i nakon objavljivanja Javnog poziva.

Aplikanti u slučaju postojanja hitnih ili specifičnih potreba koji su direktno povezani sa ciljevima Programa, mogu dostaviti zahtjeve za rezervnim sredstvima u skladu sa odredbama Programa.

Aplikanti na rezervna sredstva apliciraju u formi zahtjeva za sredstvima propisanom od strane Ministarstva za privredu (obrazac Z/1-R).

Obavezni sadržaj zahtjeva za sredstva rezerve

Sadržaj zahtjeva za sredstvima definisan je Uputstvom za ostvarivanje podsticaja Ministarstva za privredu Bosansko-podrinjskog kantona Goražde. Prilikom apliciranja u vidu zahtjeva za odobravanje sredstava rezerve, aplikant je dužan navesti slijedeće informacije:

- razlog zbog kojeg traži odobravanje sredstava,
- ukupni iznos potrebnih sredstava,
- traženi iznos novčanih sredstava,
- iznos sredstava koji bi se obezbijedio iz drugih izvora
- relevantna dokumentacija kojom se dokazuje opravdanost podnošenja zahtjeva, nastalih troškova i potrebnih sredstava.

Finansiranje zahtjeva za sredstvima rezerve

Finansiranje zahtjeva za sredstava rezerve provodi se u skladu sa Programom. Zahtjevi za odobranje sredstava u pojedinačnom slučaju ne mogu biti veći od 2.000,00 KM. Vlastita sredstva aplikanta su poželjna, ali nisu obavezujuća. U toku godine aplikant može podnijeti samo jedan zahtjev za sredstvima.

Podnošenje aplikacija, otvaranje aplikacija i administrativna provjera

Zahtjevi za ostvarivanje novčanih podsticaja za podsticanje poljoprivredne proizvodnje, prijedlozi projekata i zahtjevi za rezervna sredstva podnose se kantonalnom Ministarstvu privrede u formi propisanoj u ovom programu i Uputstvom za ostvarivanje podsticaja u primarnoj poljoprivrednoj proizvodnji.

Administrativna provjera se provodi u cilju utvrđivanja da li aplikant ispunjava uslove za ostvarivanje novčanih podsticaja u skladu sa uslovima za različite specifične ciljeve programa.

Aplikacije na zahtjeve za sredstvima se nakon administrativne provjere i ocjenjivanja upućuju u dalju proceduru.

Pravna i fizička lica podnose zahtjeve i potrebnu dokumentaciju u rokovima propisanim Uputstvom za ostvarivanje novčanih podsticaja u poljoprivrednoj proizvodnji kantonalnom Ministarstvu za privredu (sektor za poljoprivredu).

Otvaranje aplikacija i administrativna provjera za prijedloge projekata(D/1-3, C/1-1 provodi se najkasnije 30 dana od krajnjeg roka za podnošenje projekata.

Administrativnom provjerom ministarstvo (Sektor za poljoprivredu) će provjeravati, da li je svaka aplikacija zadovoljila slijedeće uslove:

- da aplikant ispunjava opšte uslove za učestvovanje u Programu,
- da aplikant ispunjava posebne uslove za učestvovanje u Programu,
- da aplikant ispunjava osnovne i posebne kriterije propisane u Programu,
- da je dokumentacija potpuna i ispravno popunjena u skladu sa propisanom formom.

Za aplikacije koje zadovoljavaju predhodne uslove, u administrativnoj provjeri zahtjeva za novčane podsticaje ministarstvo vrši provjeru dokumentacije u skladu sa Uputstvom, utvrđuje činjenično stanje na terenu i obrađuje zahtjeve u skladu sa Programom i Uputstvom.

Ukoliko se radi o projektnom finansiranju, nakon ispunjavanja uslova iz administrativne provjere komisija će aplikaciju evaluirati u skladu sa odredbama Programa. U suprotnom aplikacija će i bez evaluacije biti odbijena iz administrativnih razloga. Prijedlozi projekata pisani rukom će biti automatski odbijeni.

Odobranje novčanih podsticaja

Nakon obrade i provjere dostavljene dokumentacije, kantonalno ministarstvo vrši obračun novčanih podsticaja samo za klijente čiji su zahtjevi blagovremeni, osnovani i potpuni. Obračun novčanih podsticaja vrši se na propisanim obrascima u skladu sa Uputstvom u propisanim rokovima.

Selekcija prijedloga projekata

Za provođenje procesa selekcije, evaluacije i ocjenjivanja projekata Ministarstvo formira komisiju. Komisija sve dostavljene aplikacije razmatra i evaluiraju u periodu od maksimalno 30 dana od završetka administrativne provjere. U evaluaciju projekata komisija primjenjuje pet grupa indikatora i to:

- Finansijski i operativni kapaciteti aplikanta
- Relevantnost
- Metodologija
- Održivost
- Budžet i troškovna efikasnost

Selekcija zahtjeva za sredstvima rezerve

Selekcija dostavljenih zahtjeva za podsticaje primarnoj poljoprivrednoj proizvodnji provodi se u skladu sa Upustom. Komisija provodi evaluaciju nakon provedene administrativne provjere. U selekciji zahtjeva za sredstvima komisija primjenjuje tri grupa indikatora i to:

- Relevantnost
- Održivost
- Budžet i troškovna efikasnost

Ocjenjivanje projekata i zahtjeva za rezerva sredstva

Ocjenjivanje prijedloga projekata i zahtjeva za rezervnim sredstvima se provodi na osnovu skale za evaluaciju. Evaluacijski kriteriji su podjeljeni u okviru grupa i podgrupa. Za svaku podgrupu komisija daje ocjenu između 1 i 5 prema slijedećim kategorijama procjena:

- 1 - veoma slabo;
- 2 - slabo;
- 3 - adekvatno;
- 4 - dobro;
- 5 - veoma dobro.

Svaka ocjena se množi sa koeficijentom koji je za svaki indikator predviđen u evaluacijskoj skali. Maksimalan broj bodova za projekat iznosi 100, dok je maksimalan broj bodova za zahtjev za sredstvima 80.

Projekti koji imaju manje od 70 bodova, odnosno zahtjevi za sredstvima koji imaju manje od 50 bodova se odbacuju u prvom krugu selekcije. Ukoliko je ukupan rezultat u poglavlju **relevantnost** manji od 15 aplikacija se odbija, bez obzira na dobiven ukupan maksimalan broj bodova. Ukoliko je ukupan rezultat u poglavlju **budžet i troškovna efikasnost** manji od 10 aplikacija se odbija, bez obzira na dobiven ukupan maksimalan broj bodova. Komisija će procjenjivati vrijednost indikatora.

Svi članovi komisije dodjeljuju ocjene, a ukupan broj bodova se dobija kada se ocjene dobivene od svih članova komisije podjeli sa brojem članova komisije.

Skala za evaluaciju

Tabela 4.

OPIS INDIKATORA	PROJEKTI	ZAHTJEVI
1. Finansijski i operativni kapaciteti aplikanta	10	
<i>1.1. Procjenjeni nivo iskustva aplikanta u upravljanju projektom?</i>	5	
<i>1.2. Procjenjeni nivo znanje za implementaciju projekata?</i>	5	
2. Relevantnost	30	30
<i>2.1. Koliko je aplikacija relevantna posebni cilj programa?</i>	5x2	5x2
<i>2.2. Koliko je aplikacija relevantna za prioritete iz programa?</i>	5x2	5x2
<i>2.3. Koliko je aplikacija relevantna za očekivane rezultate programa?</i>	5x2	5x2
3. Metodologija	10	
<i>3.1. Da li su aktivnosti u prijedlogu projekta odgovarajuće i konzistentne sa ciljevima i očekivanim rezultatima projekta?</i>	5	
<i>3.2. Koliko je koherentan dizajn projekta, analiza problema, da li su predložene aktivnosti odgovarajuće za rješavanje prezentiranog problema?</i>	5	
4. Održivost	20	20
<i>4.1. Da li će predložene aktivnosti značajnije doprinijeti rješavanju problema koji je naveden u prijedlogu projekta ili zahtjevu?</i>	5	5
<i>4.2. Da li predložene aktivnosti mogu imati pozitivne multiplikativne efekte na razvoj poljoprivrede?</i>	5x2	5x2
<i>4.3. Da li su očekivani rezultati aktivnosti za koje se traži finansiranje održivi u finansijskom smislu i da li će se ostvarivati i nakon prestanka finansiranja iz sredstava Ministarstva privrede?</i>	5	5
5. Budžet i troškovna efikasnost	30	30
<i>5.1. Da li je odnos između planiranih troškova i očekivanih rezultata zadovoljavajući?</i>	5x2	5x2
<i>5.2. Da li je visina predloženih troškova adekvatna za implementaciju planiranih aktivnosti?</i>	5x2	5x2
<i>5.3. Da li su predloženi troškovi aktivnosti obrazloženi na način da dokazuju da će sredstva programa biti iskorištena na efikasan i ekonomičan način?</i>	5x2	5x2
MAKSIMALAN BROJ BODOVA	100	80

Procedure odobravanja zahtjeva za podsticaje u primarnoj poljoprivrednoj proizvodnji

Aplikacije podnešene u formi zahtjeva za podsticaje u poljoprivrednoj proizvodnji odobravaju se u skladu sa Uputstvom.

Ministarstvo za privredu će zaprimljene zahtjeve za sjetvu pšenice u jesenjem roku 2016.godine i konzumna jabuka obraditi u skladu sa Programom i Uputstvom iz 2016. godine.

Procedure odobravanja prijedloga projekata

Za projekte koji su u procesu evaluacije dobili više od 70 bodova, komisija rangira po broju osvojenih bodova.

Nakon provedenog rangiranja odobravaju se svi najbolje rangirani projekti do visine raspoloživih sredstava koja su definisana za svaki pojedinačni cilj. Svi najbolje rangirani projekti za koje postoje raspoloživa sredstva imaju status odobrenih projekata.

Prijedlozi projekata koji imaju više od 70 bodova, ali za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih sredstava za Program ili donošenja odluke o preraspodjeli sredstava u skladu sa odredbama Programa.

U pravilu, Komisija predlaže odobravanje projekata u punom iznosu.

U izuzetnim slučajevima, Komisija uz obrazloženje predlaže odobravanje projekta u umanjenom iznosu u zavisnosti od rezultata procesa evaluacije i provjere na terenu.

Na sve odobrene projekte Ministarstvo predlaže Vladi da donese odluku o odobravanju sredstava iz budžeta Bosansko-podrinjskog kantona – ekonomski kod 614 500 –Subvencije javnim preduzećima - poljoprivredna proizvodnja u skladu sa Zakonom o izvršenju Budžeta..

Istovremeno sa prijedlogom odluke o odobravanju sredstava iz budžeta, Vladi se dostavlja odobreni prijedlog projekta i Nacrt ugovora o finansiranju ili sufinansiranju odobrenog projekta.

U slučaju da je planirano sufinansiranje projekta veće od 6.000 KM, uz Nacrt ugovora podnosi se i Prijedlog Zaključka Vlade o davanju saglasnosti Ministru privrede za potpisivanje Ugovora.

Ukoliko se Odlukom Vlade Bosansko-podrinjskog kantona Goražde odobrava iznos granta veći od 10.000 KM, prije potpisivanja Ugovora, nacrt Ugovora dostavlja se Kantonalnom pravobraniocu na Mišljenje.

Ugovorom će se definisati način implementacije projekta, vrijeme implementacije, obaveze korisnika sredstava i Ministarstva za privredu, način obezbjeđenja instrumenata za osiguranje namjenskog utroška sredstava.

Nakon prihvatanja prijedloga odluke od strane Vlade Bosansko- podrinjskog kantona Goražde, zahtjev je odobren, te se pristupa potpisivanju ugovora za sufinansiranje projekta.

Procedure odobravanja zahtjeva za sredstvima rezerve

Aplikaciju podnešenu u formi zahtjeva za sredstva, Komisija rangira po broju osvojenih bodova, za one zahtjeve koje su dobili više od 50 bodova.

Nakon provedenog rangiranja, Komisija predlaže odobravanje zahtjeva u punom ili umanjenom iznosu u zavisnosti od rezultata procesa evaluacije. U toku provođenja procedura

odobravanja zahtjeva Komisija vodi računa o prethodno odobrenim zahtjevima, koji se nalaze u procesu odobravanja.

Zahtjevi za sredstvima koji imaju više od 50 bodova, ali za čije finansiranje nema raspoloživih sredstava stavljaju se na listu čekanja u slučaju obezbjeđenja dodatnih sredstava za Program ili donošenja odluke o preraspodjeli sredstava u skladu sa odredbama Programa.

Sve odobrene zahtjeve Ministarstvo predlaže Vladi da u skladu sa Zakonom o izvršenju Budžeta, donese odluku o odobravanju sredstava iz budžeta Bosansko-podrinjskog kantona – ekonomski kod 614 500 POD002- Subvencije javnim preduzećima – Podsticaj poljoprivrednoj proizvodnji.

Nakon prihvatanja prijedloga odluke o odobravanju zahtjeva za isplatom sredstava od strane Vlade Bosansko-podrinjskog kantona Goražde, zahtjev i odluka o odobravanju sredstava se dostavlja Ministarstvu finansija.

6.KORISNICI SREDSTAVA

Korisnici sredstava su lica koja ispunjavaju opšte i posebne uslove programa i koji su uspješno završili proces apliciranja, selekcije i evaluacije i koji su uspješno rangirani za korištenje sredstava iz ovog programa.

Fizička i pravna lica koja ispunjavaju opšte uslove za ostvarivanje novčanih podsticaja imaju status aplikanta. Fizička i pravna lica koja apliciraju na sredstva u okviru podsticaja za dostizanje komercijalnog statusa i podsticaja u okviru razvoja poljoprivrede moraju ispujavati posebne uslove i kriterije za ostvarivanje novčanih podsticaja.

7.POTREBAN BROJ RADNIKA ZA PROVOĐENJE PROGRAMA I MONITORING

Za provođenje programa su nadležni uposleni u Ministarstvu za privredu i program ne zahtijeva angažovanje dodatnih uposlenika na provođenju programa, izuzev za korištenje vanjskih usluga za potrebe izrade baze podataka registra korisnika.

Pored uposlenika koji će biti angažovani na implementaciji programa na programu će biti angažovana lica na poslovima komisija koje se formiraju u skladu sa programom. Članovi komisije za provođenje aktivnosti na ocjenjivanju aplikacija ne mogu biti članovi komisije za kontrolu realizacije ugovorenih obaveza po ovom programu. Komisije po ovom programu se ne plaćaju.

Monitoring implementacije programa

Monitoring se provodi sa ciljem utvrđivanja da li se implementacija podržanih aktivnosti provodi u skladu sa potpisanim ugovorima i u skladu sa odredbama ovog programa. U cilju osiguranja procjene rezultata odabrani korisnici su dužni nakon utroška odobrenih sredstava dostaviti Ministarstvu za privredu izvještaj o provedenim aktivnostima koja su odobrena za finansiranje iz programa.

Nadzor realizacije programa vrši Ministarstvo za privredu Bosansko-podrinjskog kantona Goražde i Kantonalna uprava za inspekcijke poslove / poljoprivredni inspektor.

Mjerenje rezultata i provedenih aktivnosti će se vršiti na osnovu periodičnog monitoringa implementacije projekta sačinjavanjem zapisnika uz koji će biti sva neophodna dokumentacija kojom se dokazuje implementacija namjenskog utroška dodijeljenih sredstava.

8. PROCJENA REZULTATA

Pregled očekivani rezultata podrške

Realizacijom Programa očekuje se ostvarivanje konkretnih rezultata od strane aplikanta kojima su odobrena sredstva.

Očekivani rezultati Programa se odnose na:

- povećanje animalne proizvodnje,
- povećanje biljne proizvodnje,
- povećanje broja zaposlenih u poljoprivredi,
- povećanje kapitalnih ulaganja u poljoprivrednu proizvodnju,
- povećanje obradivih površina.

9. PROCJENA NEPREDVIĐENIH RASHODA I RIZIKA

Nepredviđeni rashodi

Nepredviđeni rashodi za ostale programom predviđene aktivnosti mogu se pojaviti samo kao rezultat promena unutar interne strukture samog programa.

Kako bi se smanjili nepredviđeni rashodi unutar šeme podsticaja uvedene su kvote obima ostvarivanja podsticaja. Dodatno obezbjeđenje za nepredviđene rashode je uvedeno kroz minimalne i maksimalne vrijednosti izdataka za svaki specifični cilj čime je program dodatno zaštićen od nepredviđeni rashoda.

Rizici

U prijedlozima projekata ili zahtjevima za sredstvima aplikanti su dužni procijeniti sve rizike koji mogu uticati na ostvarivanje planiranih rezultata projekta.

Aplikanti su dužni planirati mjere koje će poduzeti u slučaju ostvarivanja rizika koji mogu uticati na ostvarivanje planiranih rezultata.

U slučaju da na pojedinim stavkama sredstva ne budu u potpunosti utrošena, a na pojedinim nedostaju, Ministarstvo za privredu Bosansko-podrinjskog kantona Goražde svojom Odlukom ima pravo ista da preusmjeri u drugu stavku.

U slučaju promjene visine sredstava i drugih troškova po „Programu kantonalnih novčanih podsticaja u poljoprivredi za 2017. godinu“ koji mogu nastati kao rezultat promjene zakonskih propisa ili usklađivanja Budžeta Bosansko-podrinjskog kantona Goražde, „Program kantonalnih novčanih podsticaja u poljoprivrednoj proizvodnji za 2017. godinu“ se može mijenjati, odnosno iznosi sredstava po stavkama u „Programu kantonalnih novčanih podsticaja u poljoprivredi za 2017. godinu“ smanjivati ili povećavati uz saglasnost Vlade Bosansko-podrinjskog kantona Goražde.

